

Na osnovu člana 13. Zakona o principima lokalne samouprave u Federaciji Bosne i Hercegovine («Službene novine Federacije BiH», broj 49/06), člana 10, tačka 7. i člana 25. Statuta Općine Stari Grad Sarajevo - Prečišćeni tekst («Službene novine Kantona Sarajevo», broj 31/08), Općinsko vijeće Stari Grad Sarajevo, na sjednici održanoj 27. januara 2010. godine, donijelo je

O D L U K U
O IZMJENAMA I DOPUNAMA ODLUKE O USLOVIMA I NAČINU
KORIŠTENJA PROSTORIJA MJESNIH ZAJEDNICA

Član 1.

U Odluci o uslovima i načinu korištenja prostorija mjesnih zajednica («Službene novine Kantona Sarajevo», broj 11/09), u članu 4. stav 3. mijenja se i glasi:

«O smještaju uposlenih iz oblasti zdravstvene i socijalne zaštite koji se finansiraju iz budžeta Kantona ili Općine i smještaju u prostor mjesne zajednice u ostalim slučajevima, odlučuje Komisija Općinskog vijeća za poslovne prostore (u daljem tekstu: Komisija), na prijedlog načelnika».

U istom članu stav 4. se briše.

Član 2.

U članu 5. stav 3. mijenja se i glasi:

„Savjet mjesne zajednice, uz prethodnu saglasnost načelnika, odobrava korištenje prostorija mjesne zajednice bez naknade u slučajevima iz člana 3. stav 1. alineje 3. i 4. Za stalne korisnike prostora mjesne zajednice posebnim sporazumom će se regulisati način sufinansiranja režijskih troškova u slučajevima iz člana 3. stav 1. alineja 5.“

Član 3.

U članu 9. stav 2. se briše.

Član 4.

Iza člana 13. dodaje se novi član 13a), koji glasi:

Član 13a)

Savjet mjesne zajednice dužan je dostaviti načelniku obavijest iz člana 12., odnosno akt iz člana 13. ove Odluke.

Član 5.

U članu 14. naziv: "Služba za opću upravu i lokalnu samoupravu, zamjenjuje se nazivom: „Sektor za poslove mjesnih zajednica“.

Član 6.

Ovlašćuje se Komisija Općinskog vijeća za propise i Statut da utvrdi prečišćeni tekst Odluke o uslovima i načinu korištenja prostorija mjesnih zajednica.

Član 7.

Ova Odluka stupa na snagu danom objavljivanja na oglasnoj tabli Općine, a naknadno će se objaviti u «Službenim novinama Kantona Sarajevo».

Broj: 02-49-
27. januar 2010. godine
GRAD
Sarajevo

PREDSJEDAVAJUĆI
OPĆINSKOG VIJEĆA STARI

S A R A J E V O

Prof.dr. Rizah Avdić

Ova Odluka objavljena je 28. januara 2010. godine na oglasnoj tabli Općine Stari Grad Sarajevo.